

玉靈聚義

二







玉靈聚義 卷





玉靈聚義卷之二

出史記六十八

卷索隱曰

龜策傳有

錄無書褚先生所補其叙事煩蕪陋

略無可取

龜策列傳

太史公曰自古聖王將建國受命興動事業何嘗不寶卜筮以助善唐虞以上不可記已自三代之興各據禎祥塗山之兆從而夏啓世飛燕之卜順故殷興百穀之筮吉故周王王者決定諸疑參以卜筮斷以

傳

一

著龜不易之道也蠻夷氏羗雖無君臣序

亦有決疑之卜或以金石或以草木徐廣曰

作國不同俗然皆可以戰伐攻擊推兵求

勝各信其神以知來事略聞夏殷欲卜者

乃取著龜已則弃去之為龜藏則不靈著

久則不神至周室之卜官寶著龜又其大

小先後各有所尚要其歸等耳或以為聖

王遭事無不定決疑無不見其設稽神求

問之道者以為後世衰微愚不師智人各

自安化分為百室道散而無垠故推歸之



至微要繫於精神也或以爲昆蟲之所長  
聖人不能與爭其處吉凶別然否多中於  
人至高祖時因秦太卜官夫下始定兵革  
未息及孝惠享國自少呂后主女孝文孝  
景因襲掌故未遑講試雖父子疇官世世  
相傳其精微深妙多所遺失至今上即位  
博開藝能之路悉延百端之學通一伎之  
士咸得自効絕倫超竒者爲右無所阿私  
數年之間太卜大集會上欲擊匈奴西攘  
徐廣曰攘作襄襄除也大宛南收百越卜筮至預見

傳

二

表象先圖其利及猛將推鋒執節獲勝於  
彼而著龜時日亦有力於此上尤加賞賜  
至或數千萬如丘子明之屬富溢貴寵傾  
於朝廷至以卜筮射蠱道巫蠱時或頗中  
素有眦睚不快因公行誅恣意所傷以破  
族滅門者不可勝數百僚蕩恐皆龜策能  
言後事覺奸窮亦誅三族夫揲策定數徐廣曰揲音逢索隱曰揲謂兩手灼龜觀兆變執著方而扞之故云揲策化無窮是以擇賢而用占焉可謂聖人重  
事者乎周公卜三龜而武王有瘳紂爲暴



虐而元龜不占晉文將定襄王之位卜得

黃帝之兆左傳曰遇黃帝之兆卒受彤弓之命

獻公貪驪姬之色卜而兆有口象其禍竟

流五世楚靈將背周室卜而龜逆左傳曰

曰全尚得天下不吉投龜詢天而呼曰是

區區者而不余甲全必自取之索隱曰詢

候音反火終被乾溪之敗兆應信誠於內而時

人明察見之於外可不謂兩合者哉君子

謂夫輕卜筮無神明者悖背人道索隱曰悖音倍

背音信禎祥鬼神不得其正故書建稽疑

五謀而卜筮居其二五占從其多明有而

不專之道也余至江南觀其行事問其長

老云龜千歲乃遊蓮葉之上著百莖共一

根徐廣曰劉向云龜千歲而靈著百年而

一本生百莖徐廣曰連一作領領與蓮

聲相近或又其所生獸其虎狼草無毒螫

江傍家人常畜龜飲食之以為能導引致

氣有益於助衰養老豈不信哉

褚先生曰臣以通經術受業博士治春秋

以第為郎幸得宿衛出入宮殿中有十餘

年竊好太史公傳太史公傳之曰三王不

同龜四夷各異卜然各以決吉凶畧闕其



要故作龜策列傳臣往來長安中求龜策

列傳不能得故之太卜官掌故文學長老

習事者寫取龜策卜事編于下方聞古五

帝三王發動舉事必決著龜傳曰索隱曰此傳即

太卜所得也下有伏靈上有兔絲上有擣

著索隱曰擣音邊留反擣即藜著擣古稠字也下有神龜所謂

伏靈者在兔絲之下狀似飛鳥之形新雨

已天清靜無風以夜捎兔絲去之即以籊

燭此地徐廣曰籊籊也蓋然火而籠罩其

燭之火滅即記其處以新布四丈環置之

明即掘取之入四尺至七尺得矣過七尺

不可得伏靈者千歲松根也食之不死聞

著生滿百莖者其下必有神龜守之其上

常有青雲覆之傳曰天下和平王道德而

著莖長丈其叢生滿百莖方今世取著者

不能中古法度不能得滿百莖長丈者取

八十莖已上著長八尺即難得也人民好

用卦者取滿六十莖已上長滿六尺者只

可用也

記曰能得名龜者財物歸之家必大富至

傳

四



千萬一曰北斗龜二曰南辰龜三曰五星龜四曰八風龜五曰二十八宿龜六曰日月龜七曰九州龜八曰玉龜凡八名龜圖各有文在腹下文云云者此某之龜也畧記其大指不寫其圖取此龜不必滿尺二寸民人得長七八寸可寶矣今夫珠玉寶器雖有所深藏之見其光必出其神明其此之謂乎故玉處於山而木潤淵生珠兩岸不枯者徐廣曰一無不字許氏說淮南以爲滋潤鐘知明珠致令岸枯也潤澤之所加也月月之珠出於江海藏

傳

五

於蚌中蚌龍伏之

徐廣曰許氏說淮南云蚌龍屬也音決索隱

龍註音決悞也

王者得之長有天下四百言百當足以決吉凶神龜出知江水中

廬江郡常歲時生龜尺二寸長者二十枚

輸太卜官太卜官因以吉日剔取其腹下

甲龜千歲乃滿尺二寸王者發軍行將必

鑽龜廟堂之上以決吉凶今高廟中有龜

室藏內以爲神寶傳曰取前足臑骨穿佩

之

徐廣曰臑音乃高反一音乃導反取龜置

徐廣曰臑音乃毛反臑臂索隱



室西北隅懸之以入深山大林中不惑臣

為郎時見萬畢石朱方傳曰有神龜在江

南嘉林中索隱曰按萬畢術中有石朱嘉

林者獸無狼虎鳥無鴟梟草無毒螫野火

不及斧斤不至是為嘉林龜在其中常巢

於芳蓮之上左脅書文曰甲子重光徐廣曰

于一作得我者匹夫為人君有土正徐廣曰

為有土諸侯得我為帝王求之於白蛇蟠

扞徐廣曰林中者齋戒以持譏然索隱曰

白蛇蟠扞此林中也譏音疑言龜者齋戒以待

傳

六

然也狀如有人來告之因以醮酒佗髮徐

佗音徒一作被索隱曰求之三宿而得由是

觀之豈不偉哉故龜可不敬歟南方老人

用龜支床足行二十餘年老人死移床龜

尚生不死龜能行氣導引問者曰龜至神

若此然太卜官得生龜何為輒殺取其甲

乎近世江上人有得名龜畜置之家因大

富與人議欲遣去人教殺之勿遣之破人

家龜見夢曰送我水中無殺吾也其家終

殺之殺之後身死家不利人民與君王者



異道。人民得名龜。其狀類不宜殺也。以往古故事言之。古明王聖主。皆殺而用之。宋元王時得龜。亦殺而用之。謹連其事於左方。令好事者觀擇其中焉。

宋元王二年。江使神龜使於河。至於泉陽。漁者豫且舉網得而囚之。索隱曰。且音子。余反。泉陽人網者。

元龜者。置之籠中。夜半龜來見夢於宋元王。曰。我為江使於河。而幕網當吾路。泉陽豫且得我。我不能去。身在患中。莫可告語。王有德義。故來告訴。元王惕然而悟。乃召博

傳

士衛平而問之。索隱曰。宋元君之臣也。曰。今寡人夢

見一丈夫。延頸而長頭。身玄綉之衣。而乘輜車。來見夢於寡人。曰。我雲江使於河。而

幕網當吾路。泉陽豫且得我。我不能去。身在患中。莫可告語。王有德義。故來告訴。是

何物也。衛平乃援式而起。徐廣曰。式音物。仰天而

視月之光。觀斗所指。定日處。鄉規矩為輔。副以權衡。四維已定。八卦相望。視其吉凶。

介蟲先見。乃對元王曰。今昔壬子。索隱曰。今昔猶

昨夜也。以今日言。謂昨夜為今昔。宿在牽牛。河水大會。鬼



神相謀。漢正南北。江河固期。南風新至。江使先來。白雲壅漢。萬物盡留。斗柄指日。使者當囚。玄服而乘輜車。其名爲龜。王急使人問而求之。王曰善。於是王乃使人馳而往。問泉陽令曰。漁者幾何家。名誰爲豫。且豫且得龜。見夢於王。王故使我求之。泉陽令乃使吏案籍視圖。水上漁者五十五家。上流之廬。名爲豫。且泉陽令曰諾。乃與使者馳而問豫。且曰。今昔汝漁。何得豫。且曰。夜半時。舉網而得龜。莊子曰。得白使者曰。龜圓五尺。

傳

八

今龜安在。曰籠中。使者曰。王知子得龜。故使我求之。豫且曰諾。即絲龜而出籠中。獻使者。載行出於泉陽之門。正晝無見。風雨晦冥。雲蓋其上。五彩青黃。雷雨並起。風將而行。入於端門。見於東箱。身如流水。潤澤有光。望見元王。延頸而前。三步而止。縮頸而卻。復其故處。元王見而恠之。問衛平曰。龜見寡人。延頸而前。以何望也。縮頸而復。是何當也。衛平對曰。龜在籠中。而終昔囚。王有德義。使人活之。今延頸而前。以當謝。



也。縮頸而卻，欲亟去也。元王曰：善哉！神至如此乎？不可以留。趣駕送龜，勿令失期。衛平對曰：龜者，是天下之大寶也。先得此龜者，爲天子。且十言十當，十戰十勝。生於深淵，長於黃土。知天之道，明於上古。游三千歲，不出其域。安平靜正，動不用力。壽蔽天地，莫知其極。與物變化，四時變色。居而自匿，伏而不食。春倉夏黃，秋白冬黑。明於陰陽，審於刑德。先知利害，察於禍福。以言而當，以戰而勝。王能寶之，諸侯盡服。王勿遣。

一傳

九

也。以安社稷。元王曰：龜甚神靈，降於上天，陷於深淵，在患難中。以我爲賢，德厚而忠，故來告寡人。寡人若不遣也，是漁者也。漁者利其肉，寡人貪其力。下爲不仁，上爲無德。君臣無禮，何從有福？寡人不忍，柰何？勿遣。衛平對曰：不然。臣聞盛德不報，重寄不歸。天與不受，天奪之寶。今龜周流天下，還復其所。上至蒼天，下薄泥塗，還遍九州。未嘗愧辱，無所稽留。今至泉陽，漁者辱而囚之。王雖遣之，江河必怒。務求報仇，自以爲



侵。因神為謀。淫雨霽水不可治。若為枯旱。風而揚埃。蝗蟲暴生。百姓失時。王行仁義。其罰必來。此無他。故其祟在龜。後雖悔之。豈有及哉。王勿遣也。元王慨然而嘆曰。夫逆人之使。絕人之謀。是不暴乎。取人之有。以自為寶。是不彊乎。寡人聞之。暴得者必暴亡。彊取者必後無功。桀紂彊暴。身死國亡。今我聽子。是無仁義之名。而有彊暴之道。江河為湯武。我為桀紂。未見其利。恐離其咎。寡人狐疑。安事此寶。趣駕送龜。勿令

傳

久留。衛平對曰。不然。王其無患。天地之間。纍石為山。高而不壞。地得為安。故云。物或危而顧安。或輕而不可遷。人或忠信。不如

誕謾。

徐廣曰。誕一作謾。音田。爛友謾音慢。又並如字。或

醜惡而宜大官。或美好佳麗而為眾人患。非神聖人。莫能盡言。春秋冬夏。或暑或寒。寒暑不和。賊氣相奸。同歲異節。其時使然。故今春生夏長。秋收冬藏。或為仁義。或為暴彊。暴彊有卿。仁義有時。萬物盡然。不可服治。大王聽臣。臣請悉言之。天出五色以



辯白黑地生五穀以知善惡。人民莫知其  
辯也。與禽獸相若。合居而穴處。不知田作。  
天<sub>一</sub>禍亂。陰陽相錯。忽忽疾疾。徐廣曰通

而不相擇。妖孽數見。傳為單薄。聖人別其  
生。使無相獲。禽獸有牝牡。置之山原。鳥有  
雌雄。布之林澤。有介之蟲。置之谿谷。故牧

人民為之城郭。內經閭術。外為阡陌。夫妻  
男女。賦之田宅。列其室居。為之圖籍。別其  
名族。立官置吏。勸以爵祿。衣以桑麻。養以

五穀。耕之耨之。徐廣曰耨音憂鋤之耨之。徐廣曰耨音奴

一作

二

豆反除口得所著。目得所美。身受其利。以

是觀之。非彊不至。故曰。田者不彊。困倉不  
盈。商賈不彊。不得其贏。婦女不彊。布帛不

精。官御不彊。其勢不成。大將不彊。卒使不  
令。侯王不彊。沒世無名。故云。彊者事之始

也。分之理也。物之紀也。所求於彊。無不有

也。王以為不然。王獨不聞。玉積隻雉。徐廣曰隻

一作出於昆山。明月之珠。出於四海。鑄石

人得之。以為大寶。所在乃於天子。今王自

拌。徐廣曰鑄音子。族反。拌割也。傳賣於市。聖



以爲暴。不如拌蚌於海也。自以爲彊。不過鑄石於昆山也。取者無咎。寶者無患。今龜使來抵網而遭魚者得之。見夢自言。是國之寶也。王何憂焉。元王曰。不然。寡人聞之。諫者福也。諛者賊也。人主聽諛。是愚惑也。雖然。禍不妄至。福不徒來。天地氣合。氣以生百財。陰陽有分。不離四時。十有二月。日至爲期。聖人徹焉。身乃無災。明王用之。人莫敢欺。故云。福之至也。人自生之。禍之至也。人自成之。禍與福同。與德雙。聖人察之。

傳

二二

以知吉凶。桀紂之時。與天爭功。擁過鬼神。使不得通。是故已無道矣。諛臣有衆。桀有諛臣。名曰趙梁。教爲無道。勸以貪狼。繫湯夏臺。殺閔龍逢。左右恐死。偷諛爲傍。國危於繫卵。皆曰無傷。稱樂萬歲。或曰未央。蔽其耳目。與之詐狂。湯卒伐桀。身死國亡。聽其諛臣。身獨受殃。春秋著之。至今不忘。紂有諛臣。名爲左彊。誇而目巧。教爲象郎。禮記曰。曰巧之室。鄭曰。但用目巧善。將至於意室。不由法度。許慎曰。象事也。天又有玉牀。犀王之器。象著而美。索隱曰。著意持。



慮反則著則筋為與羹連或非著搏也記曰羹之有菜者用棗者筋也聖人

剖其心壯士斬其脰脰音行也箕子恐死被

髮佯狂殺周太子歷囚文王昌投之石室

索隱曰按殺周太子歷在囚文王昌之上則近是李歷不被紂誅則其言近妄無吝

周更別有太子將以音至明陰競活之徐廣

一作完索隱曰與之俱亡入於周地得太

公望興卒聚兵與紂相攻文王病死載屍

以行太子發伐將號為武王戰於牧野破

之華山之陽紂不勝敗而還走圍之象即

自殺宣室徐廣曰天子之身死不葬頭懸

徐廣曰宣室居名曰宣室

車軫四馬曳行寡人念其如此腸如涸湯

徐廣曰涸音館一作是人皆富有天下而

貴至天子然而大傲欲無馱時舉事而喜

高貪狼而驕不用忠信聽其諛臣而為天

下笑今寡人之邦居諸侯之間曾不如秋

毫舉事不當又安亡逃衛平對曰不然河

雖神賢不如崑崙之山江之源理不如四

海而人尚奪取其寶諸侯爭之兵革為起

小國見亡大國危殆殺人父兄虜人妻子

殘國滅廟以爭此寶戰攻分爭是暴彊也



故云。取之以暴彊。而治以文理。無逆四時。必親賢士。與陰陽化鬼神。為使通天地。與之為友。諸侯賓服。眾殷喜。邦家安寧。與世更始。湯武行之。乃取天子。春秋著之。以為經紀。王不自稱湯武。而自此桀紂為暴彊也。固以為常桀為瓦室。世本曰昆吾作陶張華博物志亦云桀作瓦蓋昆吾知桀作也紂為象。即徵絲灼之務。以費民。素隱曰灼謂燔也。燒賦斂無度。殺戮無方。殺六畜。以韋為囊。囊盛其血。與人懸而射之。與天帝爭彊。逆亂四時。先百鬼嘗。

傳

十四

諫者輒死。諛者在傍。聖人伏匿。百姓莫行。天數枯旱。國多妖祥。螟蠱歲生。五穀不成。民不安其處。鬼神不享。飄風日起。正晝晦冥。日月並蝕。減息無光。列星奔亂。皆絕綱紀。以是觀之。安得久長。雖無湯武。時固當亡。故湯伐桀。武王剋紂。其時使然。乃為天子。子孫續世。終無咎。後世稱之。至今不已。是皆當時而行。見事而彊。乃能成其帝王。今龜大寶也。為聖人使。傳之賢士。不用手足。雷電將之。風雨之送。流水行之。侯王有



德乃得當之。今王有德而當此寶，恐不敢受。王若遣之，宋必有咎。後雖悔之，亦無及已。

元王大悅而喜。於是元王向日而謝。

曰蓋欲伸之以謝天之質向再拜而受。擇

日齋戒，甲乙最良，乃刑白雉，及與驪羊，以

血灌龜於壇中，以刀剥之，身全不傷。脯酒

禮之，橫其腹，荆之卜之，必制其剗。理達知

理，文相錯迎，使工占之，所言盡當。邦福重

寶，徐廣曰福音副藏也聞于傍鄉，殺牛取革，被鄭之

桐，徐廣曰牛革相為鼓也草木畢分，化為甲兵，戰勝

傳

十五

攻取莫如元王。元王之時，衛平相宋，宋國

最彊，龜之力也。故云神至能見夢於元王，

而不能自出，漁者之籠身能十言盡當，不

能通使於河，還報於江，賢能令人戰勝，攻

取不能自解，知刀鋒免剥刺之患，聖能先

知亟見而不能令衛平無言，言事百全身

而攣，當時不利，又焉事賢？賢者有恒，常士

有適，然是故明有所不見，聽有所不聞，人

雖賢不能左畫方，右畫圓，日月之明而時

蔽於雲，辨名善射，不如雄渠。蠡門。新序曰楚雄渠



子夜行見伏石當道以為虎而射之應弦沒羽淮南子曰射者重以逢蒙門子之巧劉歆七略有禹名為辯智而不能勝鬼神

地柱折天故母掾又柰何責人於全孔子

間之曰神龜知吉凶而骨直空枯日為德

而君於天下辱於三足之鳥月為刑而相

佐見食於蝦蟇郭璞曰蝦蟇能制

南萬畢曰鵠令鵠反腹者騰蛇之神而殆

知即且郭璞曰騰蛇龍屬也竹外有節

理中直空虛松栢為百木長而守門閭日

辰不全故以孤虛黃金有疵白玉有瑕事

傳

有所疾亦有所徐物有所拘亦有所據罔

有所數亦有所踈人有所責亦有所不如

何可而適乎物安可全乎天尚不全故世

為屋不成三瓦而陳之徐廣曰一云為屋

也索隱曰列氏云陳猶居也注作棟音都貢反以應之天天下有

階物不全乃生也

褚先生曰漁者舉網而得神龜龜自見夢

知宋元王元王召博士衛平告以夢龜狀

平運式定日月分衡度視卜吉凶占龜與

物色同平諫曰王留神龜為國之重寶也



美矣古者筮必稱龜者以其合名所從來  
久矣余述而為傳

三月 二月 正月 十二月 十一月

中間內四月 首仰索隱曰音足開 盼

高外下開索隱曰音琴盼首俛大索隱曰俛音

五月 橫吉 首俛大

六月 七月 八月 九月 十月 卜禁

曰子亥戌不可卜以下及殺龜日中如食

已卜暮昏龜之微也索隱曰微音叫不可

以下庚辛可以殺及鑽之常以月旦被龜

傳

索隱曰被音發又音拂拂先以清水澡之

以卵被之乃持龜而遂之若嘗以為祖徐廣

法也言以為常法也祖人若以下不中皆被

之以而東向立灼以荆若剛木土徐廣曰

索隱曰按占之灼龜取生荆枝及生堅木

旬夕指之者三燒以郊周環之視曰今日

吉謹以梁郊煇黃索隱曰梁米也郊雞子

第言燒荆枝更通而灼故有煇者以黃綸裏

不祥玉靈必信以誠知萬事之情辯兆皆



可占不信不誠則燒玉靈揚其灰以徵後

龜其卜必北向龜甲必尺二寸卜先以造

徐廣曰灼鑽之處物若木也鑽中已又

灼龜首各三又復灼所鑽中曰正身灼首

曰正足徐廣曰一作廣止各三即以造三周龜祝曰

假之玉靈夫子索隱曰尊神龜而王之并號夫子玉靈

荆灼而心令先知而上行於天下行於淵

諸靈數刺徐廣曰刺音策索隱曰數音所具反刺音近策或刺是策之到

名比筮之書其字亦無可竅他皆放此莫如語信今日良日

行一良貞徐廣曰一作身某欲卜某即得而喜

傳

十八

不得而悔即得發鄉我身長大手足收人

皆上偶不得發鄉我身挫折中外不相應

手足滅去

靈龜卜祝曰假之靈龜五筮五靈不知神

龜之靈知人死知人生其身良真某欲求

某物即得也即見呈發內外相應即不得

也頭仰足胛內外自隨可得占

卜占病者祝曰今某病困死首上開以外

交駁身節折不死首仰足胛卜病者示曰

今病有崇無呈無崇有呈兆有中崇有內



外崇有外內卜繫者出不出橫吉安若出足開首仰有外

卜求財物其所當得得首仰足開外內相應即不得足呈首仰足脰

卜有賣若買臣妾牛馬得之首仰足開內外相應不得首仰足脰呈兆若橫吉安

卜繫盜聚若干人在某所今某將卒若干人往擊之當勝首仰足開身正內自橋外

下不勝足脰首仰身首徐廣曰一作簡內下外高卜求當行不行行首足開不行足脰首仰

傳

十九

若橫吉安不行

卜往擊盜當見不見見首仰足脰有外不見足開首仰

卜往候盜見不見見首仰足脰脰勝有外不見足開首仰

卜聞盜來不來外高內下足脰首仰不來足開首仰若橫吉安期之自次

卜迁徙去官不去去足開有脰外首仰不去自去即足脰呈兆若橫吉安

卜居官尚吉不吉呈兆身正若橫吉安不



吉身節折首仰足開

卜居室家吉不吉呈兆身正若橫吉安不吉身節折首仰足開

卜歲中禾稼熟不熟熟首仰足開外內自橋外自垂不熟足盼首仰有外

卜歲中民疫不疫疫首仰足盼身節有強外不疫身正首仰足開

卜歲中有兵無兵無兵呈兆若橫吉安有兵首仰足開身作外強情

卜見貴人吉不吉吉足開首仰身正內自

傳

二十

橋不吉首仰身節折足盼有外若無漁

卜請謁於人得不得得首仰足開內自橋不得首仰足盼有外

卜追亡人當得不得得首仰足盼內外相應不得首仰足開若橫吉安

卜漁獵得不得得首仰足開內外相應不得足盼首仰若橫吉安

卜行遇盜不遇遇首仰足開身節折外高內下不遇呈兆

卜天雨不雨雨首仰有外外高內下不雨



首仰足開若橫吉安

卜天雨霽不霽霽呈兆足開首仰不霽橫  
吉命曰橫吉安以占病病甚一日不死不  
甚者卜曰瘳不死繫者重罪不出輕罪環  
出過一日不出父母傷也求財買物臣妾  
馬牛一日環得過一日不得不得行者不  
行來者環至過食時不至不來繫盜不行  
行不遇聞盜不來徙官不徙居官家屋皆  
言歲稼不熟民疾疫無疾歲中無兵見人  
行不行不喜請謁人不行不得追亡人漁

解

九一

獵不得行不遇盜雨不雨霽不霽

命曰呈兆病者不死繫者出行者行來者  
來市買得追亡人得隔一日不得問行者  
不到

命曰往徹卜病不死繫者出行者行來者  
來而市買不得憂者毋憂追亡人不得  
命曰首仰足盼有內無外占病甚不死繫  
者解求財物買臣妾馬牛不得行者聞言  
不行來者不來聞盜不來聞言不至徙官  
聞言不徙居官有憂居家多災歲稼中孰



民疾疫多病歲中有兵聞言不聞見貴人  
吉請謁不行不得善言追亡人不得漁獵  
不得行不遇盜雨不雨甚霽不霽故其莫  
字皆爲首備問之曰備者仰也故定以爲  
仰此私記也

命曰首仰足盼有外無內占病病甚不死  
繫者不出求財買臣妾不得行者不行來  
者不來擊盜不見聞盜來內自驚不來徙  
官不徙居官家室吉歲稼不熟民疾疫有  
病甚歲中無兵見貴人吉請謁追亡人不  
得亡財物財物不出得漁獵不得行不遇  
盜雨不雨霽不霽

傳

北

命曰呈兆首仰足盼以占病不死繫者未  
出求財買臣妾牛馬不得行不行來不來  
擊盜不相見聞盜來不來徙官不徙居官  
久多憂居家室不吉歲稼不熟民病疫歲  
中毋兵見貴人不吉請謁不得漁獵得少  
行不遇盜雨不雨霽不霽不吉

命曰呈兆首仰足開以占病病篤死繫囚  
出求財物買臣妾馬牛不得行者行來者



來擊盜不見盜聞盜來不來徙官徙居  
不久家室不吉歲稼不熟民疾疫有而少  
歲中無兵見貴人不見吉請謁追亡人漁  
獵不得行遇盜雨不雨霽不霽少吉  
命曰首仰足胗以占病不死繫者父母傷  
也求財物買臣妾馬牛不得行者不行擊  
盜不行來者來聞盜來徙官聞言不徙居  
家室不吉歲稼不熟民疾疫少歲中無兵  
見貴人得見請謁追亡人漁獵不得行遇  
盜雨不雨霽不霽吉

傳

六三

命曰首仰足開有內以占病者死繫者出  
求財物買臣妾馬牛不得行者行來者來  
擊盜行不見盜聞盜來徙官徙居官不久  
居家室不吉歲熟民疾疫有而少歲中毋  
兵見貴人不吉請謁追亡人漁獵不得行  
不遇盜雨霽霽少吉不霽吉

命曰橫吉內外自橋以占病卜曰毋瘳死  
繫者毋罪出求財物買臣妾馬牛得行者  
行來者來擊盜合交等聞盜來來徙官徙  
居家室吉歲熟民疫無疾歲中無兵見貴



人請謁追亡人漁獵得行遇盜雨霽霽吉

命曰橫吉内外自吉以占病病者死輟亦不出求財物買臣妾馬牛追亡人漁獵不得行者不來擊盜不相見聞盜不來徙官徙居官有憂居家室見貴人請謁不吉歲稼不熟民疾疫歲中毋兵行不遇盜雨不雨霽不霽不吉

命曰漁人以占病者病甚不死繫者出出求財買物臣妾馬牛擊盜請謁追亡人漁獵

傳

光四

得行者行來聞盜不來徙官不徙居家室吉歲稼不熟民疾疫歲中毋兵見貴人吉行不遇盜雨不雨霽不霽吉

命曰首仰足盼内高外下以占病病者甚不死繫者不出求財物買臣妾馬牛追亡人漁獵得行不行來者來擊盜勝徙官不徙居官有憂無傷也居家室多憂病歲大熟民疾疫歲中有兵不至見貴人請謁不吉行遇盜雨不雨霽不霽吉

命曰橫吉上有仰下有拄病久不死繫不者



不出求財物買臣妾馬牛追亡人漁獵  
得行不行來不來擊盜不行行不見盜來  
不來徙官不徙居家室見貴人吉歲大熟  
民疾疫歲中無兵行不遇盜雨不雨霽不  
霽大吉

命曰橫吉揄仰以占病不死繫者不出求  
財物買臣妾牛馬至不得行不行來不來  
擊盜不行行不見盜聞盜來不來徙官不  
徙居官家室見貴人吉歲熟歲中有疾疫  
母兵請謁追亡人不得漁獵到不得行不

傳

九五

得行不遇盜雨霽不霽小吉

命曰橫吉下有柱以占病甚不環有瘳無  
死繫者出求財買臣妾馬牛請謁追亡人  
漁獵不得行來不來擊盜不合聞盜來徙  
官居官吉不久居家室不吉歲不熟民母  
收歲中母兵見貴人吉行不遇盜雨不

雨霽小吉

命曰軌所以占病環有瘳無死繫者出求  
財物買臣妾馬牛請謁追亡人漁獵得行  
者行來者來擊盜不相見不相合聞盜來



來徙官徙居家憂見貴人吉歲熟民無疾  
疫歲中毋兵行不遇盜雨不雨霽霽吉  
命曰穰格以占病者不死繫久毋傷求財  
以  
臣妾馬牛請謁追亡人漁獵不得行  
行來不來擊盜盜行不合聞盜不來徙  
官不徙居家室吉歲稼中民疾疫毋死見  
貴人不得見行不遇盜雨不雨大吉  
命曰首仰足盼外高內下卜有憂無傷也  
行者不來病久死求財物不見貴人吉  
命曰外高內下卜病不死有祟而市買不

傳

共六

得居官家室不吉行者不行來者不來繫  
者久毋傷也吉

命曰頭見足發有內外相應以占病者起  
繫者出行者行來者來求財物得吉

命曰呈兆首仰足開以占病病甚死繫者

卜憂求財物買臣妾馬牛請謁追亡人

不得行不行來不來擊盜不合聞盜  
來不遷官居家室不吉歲惡民疾疫  
無死歲中無兵見貴人不吉行不遇盜雨  
不雨霽不吉



命曰呈兆首仰足開外高內下以占病不  
死有外崇繫者出有憂求財物買臣妾馬  
牛相兌不會行行來聞言不來擊盜勝聞  
次  
不來徙官居官家室見貴人不吉歲  
氏疾疫有兵請謁追亡人漁獵不得聞  
盜遇盜雨不雨霽凶

命曰首仰足盼身折內外相應以占病病  
甚不死繫者久不出求財物買臣妾馬牛  
漁獵不得行來不來擊盜有用勝聞盜來  
來徙官不徙居官家室不吉歲不熟民疾

傳

九七

疫歲中有兵不至見貴人喜請謁追亡人  
不得遇盜凶

命曰內格外垂行者不行來者不來病者  
死繫者不出求財物不得見人不見大吉  
命曰橫吉內外相自橋榆仰上柱上柱足  
占病病甚不死繫久不抵罪買財物  
買  
妾馬牛追亡人漁獵不得請謁不得  
行不向來不來居官家室見貴人吉徙官  
不徙歲中大熟民疾疫有兵不會行環盜  
聞言不見雨不雨霽霽大吉



命曰頭仰足盼內外自隨卜憂病者甚一不  
死居官不得居行者行來者不來求財物  
不得水人不得吉

△ 橫吉下有柱卜來者來卜曰則不至  
水卜病者過一日毋瘳死行者不行求  
財物不得繫者出

命曰橫吉內外自舉以占病者久不死繫  
者久不出求財物得而少行者不行來者  
不來見貴人見吉

命曰內高外下疾輕足發求財物不得行

傳

左

者行病者有瘳繫者不出來者來見貴人  
不見吉

命曰外格求財物不得行者不行來者不  
來繫者不出不吉病者死求財物不得見  
貴人見吉

△ 內自舉外來正足發者行來者未求  
財 行病者久不死繫者不出見貴人見  
吉

此橫吉上柱外內內自舉足盼以下有求  
得病不死繫者毋傷未出行不行來不來



見人不見百事盡吉

此橫吉上柱外內自舉柱足以作以上有求得病死環起繫者母傷環出行不行

一見人不見百事吉可以舉兵挺詐有

以上有求不得病不死數起繫禍罪

言毋傷行不行來不來此挺詐有內以上

有求不得病不死數起留禍罪無傷穀不出行不行來者不來見人不見

此挺詐內外自舉以上有求得病不死繫者母罪行來來田賈市漁獵喜

傳

六九

此狐貉以有卜求不得病死難起繫出母非難出可居宅可娶婦嫁女行不行來不來見人不見有憂不憂

以狐微以上有求不得病者死繫者出有抵罪行不行來不來見人不見吉

足盼身節折以卜有求不得病者出罪望行者不來行行來不來見人

止挺內外自垂以卜有求不晦病不死難

起繫留母罪難出行不行來不來見人不



見不吉

此橫吉榆仰首俯以下有求難得病難起不死繫難出母傷也可居家室以娶嫁女

病者卜日不死其一日乃死

此橫吉上柱足胗內自舉外自垂以下病卜日不死其一日乃死為人死首俯足詐有外無內病者占龜未已急死卜輕失火一日不死

傳

廿

首仰足胗以下有不得以繫有罪人言語恐之母傷行不行見人不見

大論曰

索隱曰按褚先生所取太卜雜占卦体及命召之辭義蕪辭重殆無足採凡此八十七條別是也

人也內者自我也外者女也內者男也首沉者憂大者身也小者枝也火法病者足胗者生足開者死行者足開至足胗不至行者足胗不行足開行有求足開得



足胗者不得繫者足胗不出開出其卜病  
者也足開而死者內高而外下也

玉璽 義二卷終









